

# 1 НАУРЫЗ - АЛҒЫС АЙТУ КҮНІ

Тілегіміз – тату тірлік, мұратымыз – ауыз бірлік!



Газет  
2007 жылғы  
22 қарашадан  
шығады

# ЕЛ ТІЛЕГІ

gazeta\_eltilegi@mail.ru

№9 (865) Сәрсенбі 28 ақпан 2024 жыл

РЕСПУБЛИКАЛЫҚ ТӘУЕЛСІЗ АҚПАРАТТЫҚ, ТАНЫМДЫҚ, ҚОҒАМДЫҚ-САЯСИ ГАЗЕТИ

<http://www.qsip.kz/>

<http://www.instagram.com/eltilegigazeti>

<http://www.facebook.com/eltilegigazeti>



## ШЫҒЫСҚА САПАР ШЫРАЙЫ

Мемлекет басшысы Қасым-Жомарт Тоқаев Шығыс Қазақстан облысына жұмыс сапары барысында Өскемен қаласындағы көпбейінді Онкология және хирургия орталығының базасында ашылған Сәулелік терапия және диагностика орталығына барды.

Президентке жоғары дәлдікпен диагностика жасауға және онкологиялық ауруларды емдеуге мүмкіндік беретін соңғы буындағы магнитті-резонансты томография (МРТ), Elekta Versa HD желілік үдеткіші, Discovery RT компьютерлік томография сияқты заманауи медициналық құрылғылардың жұмысы таныстырылды. Сондай-ақ Орталық радиологиялық суреттерді сақтауға және оларды тез табуы, нақты уақыт режимінде зерттеуге арналған PACS архивтеу жүйесімен жабдықталған. Көпбейінді онкология және хирургия орталығының директоры Гүлмира Сағидуллинаның айтуынша, жыл сайын мұнда 3 мыңнан астам хирургиялық операция жасалады, оның 60 пайызында аз инвазивті емдеу тәсілдері қолданылады. Орталықта медицина мамандарының шетелдерде біліктілігін арттыру және қайта даярлау ісіне айрықша мән беріледі. Отандық және шетелдік мамандар шақырылып, тұрақты түрде шеберлік сағаттары ұйымдастырылып тұрады. Бұдан бөлек, Қасым-Жомарт Тоқаевқа Шығыс Қазақстан облысындағы онкологиялық қызметтің қазіргі жай-күйі жөнінде баяндалды. Өңірде қазіргі ісіктерді ерте анықтау көрсеткіштері айтарлықтай артып, ауру деңгейі үшінші, төртінші сатыға дейін асқынып кеткен сырқаттардың саны қысқарған. Сәйкесінше, онкологиялық аурудан қайтыс болатын азаматтардың саны азайып келе жатқаны байқалады. Мемлекет басшысы орталық дәрігерлерімен әңгімелесіп, медициналық ұйымның жұмысына табыс тіледі. Сондай-ақ елімізде осындай заманауи медициналық орталықтар ашу маңызды екенін атап өтті.

Президентке жоғары дәлдікпен диагностика жасауға және онкологиялық ауруларды емдеуге мүмкіндік беретін соңғы буындағы магнитті-резонансты томография (МРТ), Elekta Versa HD желілік үдеткіші, Discovery RT компьютерлік томография сияқты заманауи медициналық құрылғылардың жұмысы таныстырылды. Сондай-ақ Орталық радиологиялық суреттерді сақтауға және оларды тез табуы, нақты уақыт режимінде зерттеуге арналған PACS архивтеу жүйесімен жабдықталған. Көпбейінді онкология және хирургия орталығының директоры Гүлмира Сағидуллинаның айтуынша, жыл сайын мұнда 3 мыңнан астам хирургиялық операция жасалады, оның 60 пайызында аз инвазивті емдеу тәсілдері қолданылады. Орталықта медицина мамандарының шетелдерде біліктілігін арттыру және қайта даярлау ісіне айрықша мән беріледі. Отандық және шетелдік мамандар шақырылып, тұрақты түрде шеберлік сағаттары ұйымдастырылып тұрады. Бұдан бөлек, Қасым-Жомарт Тоқаевқа Шығыс Қазақстан облысындағы онкологиялық қызметтің қазіргі жай-күйі жөнінде баяндалды. Өңірде қазіргі ісіктерді ерте анықтау көрсеткіштері айтарлықтай артып, ауру деңгейі үшінші, төртінші сатыға дейін асқынып кеткен сырқаттардың саны қысқарған. Сәйкесінше, онкологиялық аурудан қайтыс болатын азаматтардың саны азайып келе жатқаны байқалады. Мемлекет басшысы орталық дәрігерлерімен әңгімелесіп, медициналық ұйымның жұмысына табыс тіледі. Сондай-ақ елімізде осындай заманауи медициналық орталықтар ашу маңызды екенін атап өтті.

Мемлекет басшысы «Өскемен титан-магний комбинаты» акционерлік қоғамындағы өндіріс жұмыстарының жай-күйімен және кәсіпорынның даму перспективасымен танысты. Комбинат шикізат өндіруден бастап одан дайын өнім алуға дейінгі өндірістің бүкіл циклын қамтитын кеуекті титан, титан күймалары мен қорытпаларын шығаратын әлемдегі біртұтас кәсіпорындардың бірі саналады. Өндіріс құрылымы 5 негізгі және 6 қосалқы цехтан, сондай-ақ еншілес әрі бірлескен кәсіпорындардан тұрады. Әлемдегі титан нарығының 11 пайызы Қазақстанға тиесілі, ал аэроғарыш саласындағы титанның 20 пайыздан астамын біздің ел қамтамасыз етеді. Мемлекет басшысына комбинат өнімін Airbus, Boeing, TIMET, ATI, Safran, UKAD, Pratt & Whitney, General Electric, Dymamet, Howmet, POSCO, Baofei, MIDHANI секілді әлемдік ірі компаниялар сертификаттағаны туралы баяндалды. Қазақстан титаны кеме жасау ісінде, энергетика, аэроғарыш салаларында, мұнай-газ кәсіпорында және медицинада кеңінен пайдаланылады. Өнім АҚШ-қа, Ұлыбританияға, Францияға, Оңтүстік Кореяға, Үндістанға және Қытайға экспортталады. Алдағы он жылда комбинат жалпы сомасы 207 миллиард теңге болатын 25 инвестициялық жобаны жүзеге асыруды жоспарлап отыр.

– Өте жақсы медициналық мекеме екен. Заманауи әрі сапалы

(жалғасы 2-бетте)

## «БОЛАШАҚТЫҢ ОЙЫНДАРЫ»

### IT ИНТЕЛЛЕКТ ПЕН СПОРТ ҰШТАСҚАН ЖОБА

Қазақстан Президенті Қасым-Жомарт Тоқаев Қазан қаласына жұмыс сапары аясында Ресей Президенті Владимир Путинмен кездесті. Екі ел басшылары өңірлік және жаһандық күн тәртібіндегі мәселелер жөнінде пікір алмасты.

Қасым-Жомарт Тоқаев Қазақстан мен Ресей арасындағы қарқынды дамып келе жатқанын атап өтті. Екі елдің Үкіметтері аталған уағдаластықтарды табысты жүзеге асырып жатыр. Ресей тарапы Қазақстанмен стратегиялық серіктестікті одан әрі күшейтуге бейілді екенін растады. Мемлекет басшысы Қазан қаласында алғаш рет өткізіліп отырған «Болашақтың ойындары» халықаралық турнирінің ашылу рәсіміне шақырылған үшін Президентіне алғыс айтып, бұл бірегей сипаттағы шара екенін атап өтті.

– Шын мәнінде, «Болашақтың ойындары» – IT интеллект пен спорт ұштасқан бірегей формат. Біз мұнда мықты команда әкелдік. Жақсы нәтиже көрсетеді деп үміттенеміз. Жалпы, Қазақстанда IT секторы дамып келеді.

Біздің өз ойындарымыз бар. Халықаралық деңгейде жарыстар өткіземіз. Ресей Федерациясы дер кезінде қолға алған осы бастаманы жалғастыру үшін келесі «Болашақтың ойындары» біздің елімізде ұйымдастыруды ұсынамын, – деді Қасым-Жомарт Тоқаев. Президенттер ресми мінберден «Болашақтың ойындары» турнирінің салтанатты ашылу рәсімін тамашалады. Ресейдің мемлекеттік әнұраны орындалғаннан кейін Владимир Путин жарысты ашық деп жариялады. Қазақстан Президенті Қасым-Жомарт Тоқаев турнир қатысушыларына сәттілік тіледі. – Құрметті Владимир Владимирович, ең алдымен, Сізге зор ризашылық білдіргім келеді. Бұл – бірегей ойын. Дүние жүзінде мұндай ойынның баламасы жоқ. Баршаңызға сәттілік тілеймін.

Келесі ойынды Қазақстанда өткізейік, – деді Мемлекет басшысы. Сонымен қатар, Беларусь, Қырғызстан, Тәжікстан және Өзбекстан президенттері де киберспортшыларға ізгі тілектерін жолдады. Содан соң жарысқа қатысушы мемлекеттер тұлғаларының шеруі өтті. «Фиджитал-концепцияға» негізделген турнирдің форматы физикалық белсенділікті, заманауи технология мен цифрлық органы ұштастырады. Шоу барысында спорт, стратегия, тактика, технология, жылдамдық секілді 5 топқа біріктірілген сайыс түрлері таныстырылды. Ойындардың бағдарламасына классикалық спорт түрлері мен олардың 21 цифрлық баламалары бойынша гибриді спорттық жарыстар енгізілген. Ұйымдастырушылардың мәліметі бойынша турнирге 100-ден астам елден 2 мыңға жуық киберспортшы келген. Қазақстанның ойыншылары мен командалары спорттың 13 түрі бойынша сайысқа түседі.

Жалпы, бұл турнирге еліміздің 48 өкілі қатысады. Салтанатты ашылу рәсімінен кейін Татарстан астанасына келген Мемлекет басшысы Қасым-Жомарт Тоқаев пен басқа елдердің президенттері «Болашақтың ойындары» халықаралық мультиспорт турнирінің негізгі шаралары өтетін «Казан Экспо» кешінен аралап көрді. Экскурсия барысында қонақтарға Dota 2 конгресс-залы, арт-нысандар, «фиджитал-зертхана» көрсетілді, сондай-ақ дене шынықтыру мен киберспортты (physical+digital) біріктіретін инновациялық «фиджитал-қозғалыстың» ерекшеліктері таныстырылды. Аландардың бірінде Қазақстан Президенті «Футбол достыққа қол ашады» бағдарламасына қатысатын жас спортшылармен әңгімелесті. Халықаралық команданың құрамында «Астана» футбол клубында жаттығатын 10 жастағы Жан Әли Ермағамбетов те бар. Қасым-Жомарт Тоқаев Қазақстанда балалар спорттына мемлекет тарапынан тұрақты қолдау көрсетілетінін атап өтті.

## АУЫЛДЫҚ ОКРУГ ӘКІМДЕРІ САЙЛАНДЫ

Қармақшы ауданында Жосалы, Ііркөл, Қармақшы ауылдық округтері әкімдерінің сайлауы өтті. Дауыс беру күні 4 сайлау учаскесі жұмыс істеді. Сайлау науқанына 9 кандидат бақ сынады. Олардың басым бөлігі сайлауға өзін-өзі ұсыну тәртібімен түсті. Таң сәрінен бері учаскелерге келген азаматтар өздері қалаған кандидаттарға дауыс беріп, өз таңдауларын жасады. Әкімдер 4 жыл мерзімге сайланды. Алғаш болып келген сайлаушыға учаскелік комиссиясы тарапынан сыйлықтар берілді. Сондай-ақ, бірінші рет дауыс беру құқығына ие жас сайлаушылар да маңызды күннен қалыс қалмады. Сайлаудың ашықтығын бақылау үшін аккредиттеуден өткен байқаушылар мен кандидаттардың сенім білдірген адамдары бақылауда. Жосалыда 211 азамат дауыс беруге қатысты. Ауылдық округ әкімі болуға кандидат ретінде 3 адам ұсынылып, дауысқа түсті. Дауыс беру қорытындысымен Жалғасбай Владимир Жақсылықұлы Қармақшы ауданы, Жосалы ауылдық округінің әкімі болып сайланды. Жалғасбай Владимир Жақсылықұлы 1972 жылы туған, Төребай би ауылында тұрады, «AMANAT» партиясы арқылы ұсынылған. Ііркөлде 169 азамат дауыс беруге қатысты. Ауылдық округі әкімі болуға кандидат ретінде 3 адам ұсынылып, дауысқа түсті. Дауыс беру қорытындысымен Төлегенов Жағыпар Асанұлы Қармақшы ауданы, Ііркөл ауылдық округінің әкімі болып сайланды. Төлегенов Жағыпар Асанұлы 1965 жылы туған, ұлты қазақ, Ііркөл ауылында тұрады, «AMANAT» партиясы арқылы ұсынылған. Қармақшы ауылдық округте 473 адам дауыс беруге қатысты. Ауылдық округі әкімі болуға кандидат ретінде 3 адам ұсынылып, дауысқа түсті. Дауыс беру қорытындысымен Ескараев Аязбек Тайжанұлы Қармақшы ауданы, Қармақшы ауылдық округінің әкімі болып сайланды. Ескараев Аязбек Тайжанұлы 1978 жылы туған, Қармақшы ауылында тұрады, сайлауда өзін-өзі ұсыну тәртібімен ұсынылған.

## СЕГІЗІНШІ САЙЛАУ

Биылғы жазда Лукашенконың өзі 70-ке келеді, ал оның Беларусьті басқарып отырғанына 30 жыл толады. Беларусь президенті Александр Лукашенко 2025 жылғы Беларусь президенті сайлауына қатысатынын мәлімдеді. Ел президенті және Қарулы күштердің Бас қолбасшысы қызметіндегі Александр Лукашенко 1994, 1999, 2001, 2006, 2010, 2015, 2020 жылдарда өткен сайлаулардың бәрін катысқан. Ол қатарынан сегізінші мерзім сайлауға түспек.



## БІРЫҢҒАЙ УАҚЫТ БЕЛДЕУІ – ДЕНСАУЛЫҚ КЕПІЛІ

Қазақстан өз тарихында маңызды қадам жасады. Алдағы бейсенбіде, 2024 жылғы 29 ақпаннан 1 наурызға қараған түні республиканың бірден 15 өңірі сағат тілін бір сағатқа кері шегерді. Тек Маңғыстау, Атырау, Батыс Қазақстан, Ақтөбе және Қызылорда облыстары үйреншікті уақытында қалады. Ал өзге өңірлер солармен теңеседі. Осылайша, Қазақстан жалғыз, бірыңғай уақыт белдеуіне көшеді.

«Көптеген пайдаланушы ұялы телефоны мен құрылғының ақпараттық жүйелерінен Қазақстанның бірыңғай уақыт белдеуіне (UTC+5) көшетіні туралы хабарламалар ала бастады. Цифрлық даму министрлігі қазақстандықтарға оларды жанарту және жаңа уақыт белдеуіне уақытты көшу бойынша әмбебап нұсқаулықтарды ұсынады. Бұл хабарламаларды алмаған азаматтар олардың жоқтығына алаңдамауы керек. Құрылғының бағдарламалық қамтылымның соңғы нұсқаға дейін жанарту қажет», деді ведомство мамандары.

«Рейстерінің уақыты өзгеретін жолаушыларға SMS хабарлама және брондау кезінде көрсеткен электронды поштасына хат жолданады. Онда уақыт жаңа уақытты туралы ақпарат болады. Бұған қоса, биылғы сәуір мен қазан аралығындағы рейстердің кестесі 1 наурызда автоматты түрде өзгертіледі. Бұл жөнінде де жолаушылар хабардар етіледі», – деп түсіндірді Air Astana мамандары. «Бір уақыт белдеуіне көшу қадамы өзге салаларға да ықпал еткілі тұр. Мәселен, Мемлекеттік кірістер комитеті (МКК) 29 ақпан күні сағат 23:30-дан 1 наурыздағы сағат 07:00-ге дейін МКК ақпараттық жүйелері жұмыс істемейтінін ескертті. Бұған жаңа уақыттық жүйеге ауысу себеп болады: техникалық жұмыстар жүріледі. «Осыған байланысты көрсетілген уақытта МКК АЖ қолжетімсіз болады», – деп мәлімдеді ведомство.

«Тіпті видеонұсқаулықтар Мемлекеттік кірістер комитетінің әлеуметтік желілердегі [press.kyzmet.kgd.kgd.gov.kz](https://press.kyzmet.kgd.kgd.gov.kz), [kgdmfk.kz](https://kgdmfk.kz) ресми аккаунттарында орналастырылды. Қиыншылықтар туындаған жағдайда БҚМ-ді сүйемелдеу келісімшарттары аясында Техникалық қызмет көрсету орталықтарында, Жергілікті мемлекеттік кірістер басқармаларының қызмет көрсету орталықтарында немесе 1414 (3) телефон нөмірі бойынша байланыс орталығында тегін кеңес алуға болады», – деп хабарлады комитет.

«ШҚО екі сағаттық белдеудің шекарасында орналасқан. Өскеменде UTC +5 бойынша түс мезгілі енді сағат 11:30-да болады. Сондықтан қала осы уақыт белдеуіне сәйкес келеді. Ал күннің ерте батуы мен таңның атуына келсек, бұл географиялық ендікке байланысты. Күннің ұзақтығы оңтүстікте, яғни болмаса солтүстікте тұрғанымызға байланысты. Оңтүстікте жаздағы және қыстағы күн ұзақтығының айырмашылығы шамалы. Ал солтүстікте едәуір көп. Тіпті, ақ түндер болады. Мысалы, мұндай құбылыс ШҚО-да 22 маусымда байқалды», – деді Фесенков атындағы «Астрофизикалық институты» ЖШС-ның жұлдыздар мен тұндырғыш физикасы зертханасының меңгерушісі Любовь Шестакова.



Бір кем дүние

Бір тылсым күш құйындай соғып кеп, ұзақ уақыт бойы тырп етпей жатқан жерінен жұлып әкеткені. Өзі икемсіздеу еді, бірақ әлгі ләп оны дөңгелентіп білетіп ала жөнелді. Бұл да сол әсем ыраққа елітіп, шыр көбелек айналуын тоқтатқысы жоқ. Басы айналып, бақыттан жүзі бал-бұл жайнап, жүрегі дүрсілдей соқты. Көкірегін қуаныш көрнеген күйі күлімдеп, соңғы демін алған еді...

## 37 ЖОБА ІСКЕ АСЫРЫЛМАДЫ

Қызылордадағы «Су ресурстары: сумен тұрақты қамтамасыз етудің проблемалары мен перспективалары» атты көшпелі отырыста баяндама жасаған облыс әкімі Нұрлыбек Нәлібаев сұрамалы суды тиімді пайдаланудағы негізгі міндеттер туралы айтты.

Су ресурстары және ирригация министрлігімен бірлескен «Суармалы жүйелер мен гидротехникалық құрылыстарды қалпына келтіру жөніндегі кешенді жоспар» бекітілді. Кешенді жоспар құны 141 млрд теңгені құрайтын 37 жоба енгізілді. Ол бойынша 1 млрд текше метр тасқын суды жинақтауға арналған «Қараөзек» су қоймасын салу жоспарлануда. Су қоймасы салынса Қазалы ауданындағы 31 мың гектар суармалы жерді,

120 мың гектар жайылым мен шабындықтарды және ең маңыздысы вегетациялық кезеңде Кіші Аралды суландыруға болады. Бұл жобалар іске асқанда суды үнемдеуге және үнемделген суды экологиялық мақсаттарға бағыттауға мүмкіндік туады. Еліміздегі су тапшылығын жоюға және су үнемдеу технологияларын тиімді жүзеге асыруға бағытталған бүгінгі маңызды отырыста жаңа «Су кодексіне» онтайлы ұсыныстар енгізіледі деп сенемін», – деді аймақ басшысы.





